

آبونه شرائطی : هر رايچون
سنه لکی (۴۰۰) التي ایلنی
(۲۲۵) ، ممالك اجنیه ایچون
سنه لکی (۴۰۰) ، التي آیلنی
(۲۵۰) غروشد.

نسخه سی ۷,۵ غروشد .
سنه لکی ۵۲ عدد .

اداره خانه : باب عالی جاده سنده
رشید افندی خاتمه

اخطارات
آبونه بدلی پشیندر .

مسلمه موافق آثار مع المنویه
قبول اولنور . درج ایدله ن
یازیر اعاده اولغاز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد

البريد

آدره من تبیلند آیریجه
غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالك اجنیه ایچون آبونه
اولانلرک آدرس لرینک
فرانسزجه یازلسی رجا اولنور .

یاره کوندرلدیکی زمان نه
داثر اولدینی بیلدیرلسی
رجا اولنور

حضرت پیغمبر افندیمرہ قارشى انسانك نادرين خصوصى اولمليدرکه
بوقدر انصافسراقده بولونه بيلسين . چوق يازيق ! چوق تأسفلر !
بويله بدبخت برمظهرتى الله کيمسه يه ويرسون .

* *

معنوی موجودیت حرمت لزومی

داخلیه وکیلی رجب بك افندی بوهفته مطبوعات جمعیتده مهم بر
نطق ایراد ایتدی . بو نطق سیاسی اولدینی ایچون بزم موضوعزدن
خارجدر . یومی غزته لر بونطق اوزون اوزادی یه تحلیل ایدیورلر .
سبیل الرشادده قید ایدجکی برنقطه واردرکه اوده وکیل بك افندیك
وطنداشلك معنوی موجودیتلرینه قارشى حرمت ایتسی ضروری اولدینی
وظیفه سنی مطبوعات خاطرلانیسیدر . وکیل بك افندی بومسئله دن شو
صورتله بحث ایتشلردر :

«محترم بك افندیلر ، شخصلرك مصون اولدینی و مصونیت شخصیه نك اك
اساسلی براتقوم حیات بولوندینی معلومدر . فقط شخصلرك نه سی مصوندر ؟
یالكز بوقاندن وکیكدن عبارت اولان شخصیت مادیه سی ؟ الكچوق مصونیتده
اصرار ایدجکمز شی حیثیت ، حریت ، شرف و شخصیت معنویه در . بناءً
علیه هرهانکی برکون بر پوليسك تضییق آلتنده بولونمقدن متولد شکایت نه
ایسه شرف و حیثیت ، معنوی شخصیت مز تعریض و تضییقه اوغرادینی کون
نوحه شکایت عینی صورتله وحی دها زیاده متألمانه اولمليدر . غزته وغزته جیلک
حیاتنده ، وطنداشلك معنوی موجودیتنه حرمت ایتك ضروریدر . بو وظیفه در .»
فی الحقیقه بعض غزته جیلر واردرکه برطرفدن مصونیت شخصیه دن
بحث ایدرلر ، دیگر طرفدن ده متصل وطنداشلك معنویات و مقدسات
تلبینه ، حرمتلرك شویله دورسون ، تعرض ایدوب طورورلر .
حال بوکه بو ، حریت پرورلکله هیچه دقابل تألیف اولمایان بك ابتدائی بر
ذهنیتدر . انسانلرك مادی موجودیتلری قدر معنویات و مقدساتی ده
محترمدر . برآدامك شرف و حیثیتی اخلاص ایدجك برسوزویله نه میه جکی
کبی اعتقاداتی حقنده تجاوزده بولونماق لازمدر .

داخلیه وکیلی بك افندی ، وطنداشلك حیثیت و شرفلری ، معنویات
و مقدساتلری بویله بر تعریض و تضییقه اوغرادینی کون نوحه شکایتلری ،
بر پوليسك تضییق آلتنده بولونمقدن متولد شکایت قدر وحی دها زیاده
متألمانه اولمليدر ، دییورکه بك دوغرودر . امید ایدرز که غزته جیلر
بو وظیفه رعایتده تصور کوسترملر .

* *

میر قلوبلرندہ افتراء و اهتراسك حکمرانه اولی

آقسام غزته سنك تنقید و ملاحظه محرری و اسبور قلوبلرینك
تورك كنچلكنك جسمی و روحی تربیه ایتك ، وجودی و روحی
کوزلشدیرمك کبی اصیل غایه لردن اوزاقلاشقده ، اولدیفندن شکایت
ایدیور .

افشامك مبعوث محررینك مهود اجتہادجی مدافعه ایتسی اوقدر
غیر طبیعی کورمه یز . یالكز وظیفه قانونیه سی ایضا ایتدیکی ایچون
عدلیه یی مؤاخذه ایتسی و عاداتا هیئت حاکمه یی قانونه قارشى اطاعتلرك
تشویق و تشجیع ایتسی هیچه موافق بولمایورز . بالخاصه برمبعوثك
بویله فکدرلر نشر ایتسی اصلاً طوغرو دکلددر .

برکره ، دعوائی تحریك ایدن « برمکلی ، اولدینی ایچون دعوائی
تعقیب ایتمه مك می ایجاب ایدر ؟ اساساً حقوق عمومیه دعوائی مدعی عمومیلر
اقامه ایدرلر . هرهانکی بر فرد بو خصوصده مدعی عمومیلک شکایت
واخبارده بولونه بیلیر . حضرت پیغمبر افندیمر یالكز مک لینك پیغمبری
دکل ، بزمده و بوتون دنیا ده کی مسلمانلرك ده پیغمبر جلیلی در . علیه
الصلاة والسلام افندیمر حقنده هرکیم تجاوزده بولونه جق اولورسه
برجرم قانونی ارتکاب ایتش اولور و در حال مدعی عمومیلک اقامه
دعوائیه مجبور قالیر . حضرت پیغمبر افندیمره تجاوزات لسانیه ده
بولونانلر ، مکلی متعصبلرك نیچه سنده دکل ، تورکیا قانونلرینك نیچه سنده
قبورانیور . جهانیه حریت و سعادت کتیرمن بر پیغمبر ذیشان حقنده
فضاحت لسانیه ده بولونمق بر « فکر مجادله سی » میدر ؟

تعصب جریانه کوره جرم تلقی ایدلیدیکی ایچون قانون جزانك بوتون
ماده لری بوکون حکمدن ساقط اولمق می ایجاب ایدر ؟ بوکون اجتہادجی
تکرار بر فضاحت لسانیه ده بولونه جق اولورسه مدعی عمومی تعقیبانه
بولونمایه جق می ؟ قانون ماده لری بویله هرکسك کیفه کوره می اجرا
ویا الفا ایدیلیر ؟ حضرت پیغمبر افندیمر حقنده فضاحت لسانیه ده
بولونان برمتجاوز حقنده تعقیبات قانونیه اجرا سته هوای نسیمینك مانع اولمی
نه دیمکدر ؟ یراز دها جرأت ایدیلجك اولسه احکام قانونی تطبیق
ایتدیکی ایچون مدعی عمومی محکمه یه ویرمه یه قالدیشیلجق غالباً قانونی
أولو کوسترمك نه دیمکدر ؟ باخصوص برمبعوث بویله سوزلر ناصیل
سویله یه بیلیر ؟ بونلری سویله ین نه سویلدیکنك فرقتده اولمایان بر ذات
دکدر . دیمك عن قصد بویله سویله یور . بوقره یی یازدقدن برکون
صوکره رژی قولجیلری طرفندن بر توتون خاچیسنك اولدورلمی
اوزرینه مطبوعاتك رژی علپنده کی نشریاتنه قارشى عینی مبعوث محرر
رژی مدافعه ایدرکن شو صورتله اداره لسان ایدیور :

« هیزك فنا بولدیمر قانونلر ، نقصان بولدیمر اصوللر واردر ، آنجق
بو خطاری تصیح ایچون یولرده معیندر . نه قانونه اطاعتلرك توصیه سنده
بولونه بیلیر ، نه ده اطاعتلرك ایدنلری تشجیع ایدجك بر لسان قوللانه بیلیر .»
مادام که بویله در ، نیچون حضرت پیغمبر افندیمر حقنده فضاحت
لسانیه ده بولونان برمتجاوز حقنده قانونی تطبیق ایتدیکندن طولای
عدلیه یی مؤاخذه ایدیور ؟ مملکتك اقتصادیاتنی صویان بر اجنبی
شرکتنی مدافعه ایدرکن قانونه اطاعتك لزومندن بحث اولونیورده
حضرت پیغمبر افندیمره کانجه قانونه اطاعتلرك تشویق اولونیور ؟